

SECOBIA Ptol. ibid. Arevacorum urbs in antiqua Tarraconensi, vulgò Segovia. Petrus Secobiensis Episcopus subscripsit eidem Concilio Toletano tertio, & Ansericus Hispalensi secundo.

ARCABRICA Ptol. ibid. vulgò Arcas, civitas olim Episcopalis, nunc in vicum redacta Conchæ urbi proximum, quæ illius & Valeriæ sedem Episcopalem obtinet. Thalafius Arcobricensis Episcopus subscripsit Concilio Toletano tertio.

ORETUM Ptol. ibid. vulgò Oreto. Andonius Oretanæ civitatis Episcopus subscripsit Concilio Toletano III. sub Reccaredo, & Stephanus Toletano sub Gundemaro.

VALENTIA Contestanorum Ptol. ibid. vulgò etiam Valencia. Musitacius hujus Episcopus subscripsit Concilio Toletano quarto.

DIANIUM Ptolem. ibid. vulgò Denia. Antonius Dianiensis Episcopus subscripsit Concilio Toletano V. nullumque ante eum in Conc. reperi.

SÆTABIS Ptol. ibid. seu Setabis sine diphtongo Straboni lib. 3. vulgò Xativa. Motto ejus sedis Episcopus subscripsit Concilio Toletano sub Reccaredo, & Florentius Toletano quarto.

BASTI Ptol. ibid. vulgò Baza. Eutychianus hujus Episcopus subscripsit Concilio Eliberitano, & Theodorus Toletano quarto.

MENTESA Ptol. ibid. vulgò Mentexa, teste Clusio. Pardus hujus Ecclesiæ Episcopus subscripsit Concilio Eliberitano, & Joannes Toletano tertio.

SALARIA Ptolem. ibid. duplex est, una in Bastitanis, altera in Oretanis. Januarius Salariensis subscripsit Concilio Eliberitano, post quod nullam hujus sedis memoriam legi.

ACCI Ptol. ibid. vulgò Guadix. Ex ejus Episcopis Felix subscripsit Concilio Eliberitano, & Lilliolus Toletano tertio.

SEGOBRICA Ptol. ibid. vulgò Segorbe. Proculus Segobricensis Episcopus subscripsit Concilio Toletano tertio.

CASTULO Ptol. ibid. vulgò Gazlona. Secundinus ejus civitatis Antistes subscripsit Concilio Eliberitano, & Anianus Sardicensi.

BIGASTRUM Tom. 2. Concil. Vincentius Bigastrensis Episcopus subscripsit Concilio Toletano sub Gundemaro, & Bigitinus Toletano quarto.

ILLICI Notitiis antiquis: seu Illicias Ptol. ibid. quibusdam Alicante, liis Elche, vel Origuela supra Seguram vulgò dicitur. Serpentinus hujus Episcopus subscripsit Concilio quarto Toletano.

ERGAVICA Ptol. ibid. vulgò Alcaniz quibusdam dicitur, sed id dubium est, cum non longè à Toletano distet. Petrus Ergavicensis Episcopus subscripsit Concilio Toletano tertio, & Toletano sub Reccaredo.

ELIOCROTA Antonino in Itinerario, vulgò Lorca quibusdam, sed non ita certum. Successus ejus Episcopus subscripsit Concilio Eliberitano.

URCI, Urce Ptol. ibid. Urgi apud Antoninum dicitur, & non paucis inter antiquos Virgi; vulgò Orce. Marcellus Urcitanus Episcopus subscripsit Concilio Toletano quarto.

PROVINCIA BRACARENSIS IN GALLECIA.

BRACARA Ptol. lib. 2. cap. 6. unica Metropolis totius Galleciæ usque ad Suevorum tempora, vulgò dicitur Braga. ¹ Ex ejus Episcopis Martinus

Z 2

Bra-

NOTÆ LUCE HOLSTENII.

¹ Ex ejus Episcopis] Profuturus, ad quem extat qui præfuit dicto Concilio Bracarensi I. post hunc
Vigili Papæ Epistola, falso Eutherii nomine, quæ
citatur in Concilio Bracarensi primo. Lucretius, [Martinus &c.]